

(Կազմված է 2022 թվականի դեկտեմբերի 1-ին,
բաղկացած է 5 թերթից)
Տպագրված է ընդամենը 2 օրինակ
Օրինակ 1

Հաստատված է՝
Չարենցավան համայնքի ավագանու
«Միասնական համայնք դաշինք» խմբակցության
2022 թվականի դեկտեմբերի 1-ի նիստում
N 69-Ա որոշմամբ
Խմբակցության ղեկավար՝

 Ն. Վարդանյան

ԿԱՆՈՆԱԴՐՈՒԹՅՈՒՆ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՈՏԱՅՔԻ ՄԱՐԶԻ ՉԱՐԵՆՑԱՎԱՆ
ՀԱՄԱՅՆՔԻ ԱՎԱԳԱՆՈՒ «ՄԻԱՍՆԱԿԱՆ ՀԱՄԱՅՆՔ ԴԱՇԻՆՔ »
ԽՄԲԱԿՑՈՒԹՅՈՒՆ

ք.Չարենցավան
2022թ.

1. ԸՆԴՀԱՆՈՒՐ ԴՐՈՒՅԹՆԵՐ

- 1.1 Հայաստանի Հանրապետության Կոտայքի մարզի Չարենցավան համայնքի (այսուհետ՝ Համայնք) ավագանու «Միասնական համայնք դաշինք» խմբակցությունը (այսուհետ՝ Խմբակցություն) ստեղծվել է 2022 թվականի դեկտեմբերի 1-ին օրենքի ուժով գումարված համայնքի ավագանու 1-ին նստաշրջանի բացման օրը 1-ին նիստում N 69-Ա որոշմամբ՝ «Տեղական ինքնակառավարման մասին» Հայաստանի Հանրապետության օրենքի (այսուհետ՝ Օրենք) 66-րդ հոդվածի 1-ին մասում ամրագրված. «Ավագանու անդամների մանդատների բաշխմանը մասնակցած կուսակցության, կամ կուսակցությունների դաշինքի առաջադրմամբ ընտրված ավագանու անդամներն ընդգրկվում են նույնանուն խմբակցություններում» սկզբունքին համապատասխան:
- 1.2 Խմբակցությունն առաջնորդվում է Հայաստանի Հանրապետության Սահմանադրությամբ, Օրենքով, այլ օրենքներով, իրավական ակտերով, Համայնքի ավագանու կանոնակարգով և սույն կանոնադրությամբ:
- 1.3 Խմբակցության անվանումն է՝ «Միասնական համայնք դաշինք» Խմբակցություն:
- 1.4 Խմբակցությունն ունի իր անվամբ ձևաթղթեր՝ առանց Հայաստանի Հանրապետության զինանշանի պատկերի:
- 1.5 Խմբակցության գտնվելու վայրն է՝ ՀՀ Կոտայքի մարզ, ք. Չարենցավան, Դեմիրճյան հրապարակ 1, Չարենցավանի համայնքապետարանի վարչական շենք:
- 1.6 Խմբակցության նպատակն է համախմբել Խմբակցության անդամներին: Իր կողմից ծավալած գործունեության, կատարված աշխատանքների միջոցով մշտապես աջակցել համայնքի ավագանու գործունեությանը Համայնքում՝ «Տեղական ինքնակառավարման մասին» Հայաստանի Հանրապետության օրենսդրության դրույթներին համապատասխան:

2. ԽՄԲԱԿՑՈՒԹՅԱՆ ԿԱՌԱՎԱՐՈՒՄԸ

- 2.1 Խմբակցությունն իր աշխատանքները կազմակերպում է նիստերի և խորհրդակցությունների միջոցով:
- 2.2 Խմբակցությունը համայնքի ղեկավարին կամ նիստը վարողին գրավոր ներկայացնում է իր կանոնադրությունը, անվանումը, կազմը, ղեկավարի և քարտուղարի անունները, ազգանունները, որոնք նիստը վարողը հրապարակում է Ավագանու առաջիկա նիստում:
- 2.3 Ավագանու անդամը կարող է դուրս գալ Խմբակցությունից՝ այդ մասին գրավոր տեղյակ պահելով Խմբակցության ղեկավարին:
- 2.4 Խմբակցության գործունեությունը դադարում է, եթե դրա բոլոր անդամները դուրս են գալիս Խմբակցությունից, և վերականգնվում է, եթե նրա կազմում ընդգրկվում է դրա իրավասությունն ունեցող առնվազն մեկ անդամ:
- 2.5 Խմբակցության կազմի փոփոխության, ինչպես նաև գործունեության դադարման և վերականգման մասին գրավոր տեղեկացվում է համայնքի ղեկավարը, որի մասին Ավագանու առաջիկա նիստում հայտարարում է համայնքի ղեկավարը կամ Ավագանու նիստը վարողը:

3. ԽՄՐԱԿՑՈՒԹՅԱՆ ՆԻՍՏԸ

- 3.1 Խմբակցության ղեկավար մարմինը Խմբակցության նիստն է :
- 3.2 Խմբակցության առաջին նիստում Խմբակցության անդամների կազմից ընտրվում են Խմբակցության ղեկավար և քարտուղար՝ մինչև մեկ տարի ժամանակահատվածով: Նրանց լիազորությունների ավարտին հաջորդող ամսվա առաջին կեսում Խմբակցությունն ընտրում է նոր ղեկավար և քարտուղար, եթե մինչև այդ Խմբակցությունը որոշում չի ընդունել նախկին ղեկավարի և քարտուղարի լիազորությունները վաղաժամկետ դադարեցնելու կամ երկարաձգելու մասին: Խմբակցության ղեկավարի կամ քարտուղարի լիազորությունների դադարեցման դեպքում նոր ղեկավարը և քարտուղարն ընտրվում են 10-օրյա ժամկետում , իսկ լիազորությունների 1-ամսյա ժամանակահատվածը հաշվարկվում է արտահերթ ընտրության օրվանից սկսած; Ավագանու հանձնաժողովներում նախագահի պաշտոն զբաղեցնողները Խմբակցության ղեկավարի հավակնորդների մեջ չեն մտնում:
- 3.3 Նիստն իրավազոր է, եթե նիստին մասնակցում են Խմբակցության անդամների կեսից ավելին: Նիստում որոշումներն ընդունվում են նիստին մասնակցող Խմբակցության անդամների ձայների պարզ մեծամասնությամբ:
- 3.4 Խմբակցության նիստերը տեղի են ունենում ավագանու հերթական նիստերից մեկ օր առաջ:
- 3.5 Հերթական նիստի անցկացման ժամանակի, վայրի և օրակարգի մասին Խմբակցության անդամները ծանուցվում են հեռախոսազանգի, կարճ հաղորդագրության կամ էլեկտրոնային փոստի միջոցով՝ նիստից առնվազն 2 օր առաջ:
- 3.6 Արտահերթ նիստ հրավիրում է Խմբակցության ղեկավարի կամ Խմբակցության անդամների 1/3-ի նախաձեռնությամբ՝ նախաձեռնողի սահմանած օրակարգով և ժամկետում:
- 3.7 Արտահերթ նիստի անցկացման դեպքում ծանուցումն ապահովում է առնվազն 1 ժամ առաջ՝ էլեկտրոնային փոստի և հեռախոսազանգի միջոցով:
- 3.8 Խմբակցության նիստերին, բացի Խմբակցության անդամներից, կարող են մասնակցել քննարկման ենթակա հարցերին իրազեկ, Խմբակցության որոշմամբ հրավիրված անձինք և Խմբակցության փորձագետը:

4. ԽՄՐԱԿՑՈՒԹՅԱՆ ՂԵԿԱՎԱՐԸ

Խմբակցության ղեկավարը.

- 4.1 կազմակերպում է Խմբակցության գործունեությունը, նախապատրաստում և վարում է Խմբակցության նիստերը, վերահսկում է Խմբակցության որոշումների և հանձնարարականների կատարումը,
- 4.2 կազմում և Խմբակցության հաստատմանն է ներկայացնում Խմբակցության նիստերի օրակարգի նախագծերը,
- 4.3 իր հայեցողությամբ Խմբակցության քննարկմանն է ներկայացնում Խմբակցության անունով ստացված դիմումները և առաջարկությունները,
- 4.4 ընթացք է տալիս և պատասխանում է Խմբակցության անունով ստացված դիմումներին և բողոքներին,
- 4.5 Խմբակցության ղեկավարը կամ նրա կողմից լիազորված Խմբակցության անդամը ներկայացնում է Խմբակցությունը, Համայնքի ավագանու նիստերում , հասարակական, հասարակական-քաղաքական և այլ կազմակերպություններում, Խմբակցության գործունեության հետ կապված

- ցանկացած այլ փոխհարաբերություններում և զանգվածային լրատվության միջոցների հետ հարաբերություններում,
- 4.6 Անհրաժեշտության դեպքում Համայնքի ավագանուն տեղեկատվություն է ներկայացնում համակցության գործունեության վերաբերյալ,
- 4.7 տալիս է կատարման համար պարտադիր ցուցումներ համակցության անդամներին
- 4.8 գումարում է համակցության արտահերթ նիստ,
- 4.9 ստորագրում է համակցության որոշումները, վերահսկում է համակցության ղեկավարի որոշումների և հանձնարարականների կատարման ընթացքը,
- 4.10 անհրաժեշտության դեպքում Համայնքի ավագանու նիստում հարցի քվեարկությունից առաջ կարող է դիմել մինչև 15 րոպե տևողությամբ ընդմիջում հայտարարելու համար :
- 4.11 ներկայացնում է «Միասնական համայնք դաշինք» համակցության շահերը Չարենցավանի համայնքապետարանում:
- 4.12 ընդունում է համակցությունից դուրս գալու համակցության անդամի գրավոր դիմումը և ներկայացնում համայնքի ղեկավարին սահմանված կարգով:
- 4.13 Ժամկետային պայմանագրով աշխատանքի է ընդունում համակցության գործավարին և փորձագետին՝ տալով համապատասխան հանձնարարականներ, և նրանք պարտավոր են աջակցել Համայնքի ավագանու աշխատանքներին,
- 4.14 Քարտուղարի հետ միասին համակարգում է համակցության գործավարի և փորձագետի աշխատանքները,
- 4.15 համակցության անդամների հետ համատեղ քննարկում և որոշում է մշտական և ժամանակավոր հանձնաժողովների կազմավորման հարցը:
- 4.16 Հաշվետու է համակցությանը և հանրությանը:

5. ԽՄԲԱԿՑՈՒԹՅԱՆ ՔԱՐՏՈՒՂԱՐԸ

Խմբակցության քարտուղարը.

- 5.1 համակցության ղեկավարի բացակայության դեպքում կամ վերջինիս լիազորմամբ կատարում է նրա լիազորությունները,
- 5.2 Կազմակերպում է համակցության գործավարությունը, նիստի օրակարգը, նիստերի արձանագրությունները, անհրաժեշտ փաստաթղթերի նախապատրաստումը,
- 5.3 համակցության դիրքորոշման հիման վրա նախապատրաստում է ստացված դիմումների, բողոքների և առաջարկությունների պատասխանները,
- 5.4 վարում է համակցության անդամների Համայնքի ավագանու նիստերին մասնակցության հաշվառումը,
- 5.5 համակցության նիստում ներկայացնում է ամփոփ հաշվետվություն նախորդ նիստի ժամանակ ստացված հանձնարարականների կատարման ընթացքի և համակցության անդամներին հղած դիմումների վերաբերյալ, ինչպես նաև՝ համակցության նիստում ամփոփիչ հաշվետվություն է ներկայացնում իր լիազորությունների ավարտին,
- 5.6 վերահսկում է համակցության անդամներին անհրաժեշտ նախագծերով ու փաստաթղթերով ապահովումը,
- 5.7 հետևում է համակցության աշխատակազմի անդամների պարտականությունների կատարմանը, վարում է համակցության աշխատակազմի ամենօրյա հաշվառումը,
- 5.8 կազմակերպում է համակցության պահոցի պահպանման աշխատանքները:
- 5.9 հաշվետու է համակցությանը և հանրությանը:

6. ԽՄԲԱԿՑՈՒԹՅԱՆ ԱՆԴԱՄԸ

Խմբակցության անդամը.

- 6.1 պարտավոր է մասնակցել Խմբակցության նիստերին, իսկ բացակայության դեպքում՝ այդ մասին նախապես տեղյակ պահել Խմբակցության ղեկավարին կամ քարտուղարին,
- 6.2 պարտավոր է կատարել Խմբակցության որոշումները և սույն կանոնադրության պահանջները,
- 6.3 Համայնքի ավագանու նիստերից բացակայելու դեպքում պարտավոր է դրա պատճառների և իր գտնվելու վայրի մասին տեղյակ պահել Խմբակցության ղեկավարին կամ քարտուղարին,
- 6.4 հայտնում է իր դիրքորոշումը Խմբակցության նիստում քննարկվող հարցերի վերաբերյալ,
- 6.5 քվեարկությամբ մասնակցում է որոշումների ընդունմանը,
- 6.6 Խմբակցության անդամի անդամությունը դադարում է՝
 - ա) նրա դիմումի համաձայն
- 6.7 բ) եթե նա մեկ հերթական նստաշրջանի ընթացքում անհարգելի պատճառով բացակայել է Խմբակցության և ավագանու նիստերի կամ քվեարկությունների ավելի քան կեսից կամ հանձնաժողովի նիստերի կեսից:
 - գ) դատարանի՝ օրինական ուժի մեջ մտած վճռի հիման վրա,
 - դ) եթե պարբերաբար խախտել է սույն կանոնադրության պահանջները կամ չի կատարել Խմբակցության նիստի որոշումները:

7. ԽՄԲԱԿՑՈՒԹՅԱՆ ԿԱՆՈՆԱԴՐՈՒԹՅԱՆ ԸՆԴՈՒՆՈՒՄԸ ԵՎ ՓՈՓՈԽՈՒՄԸ

- 7.1 Խմբակցության կանոնադրությունն ընդունվում է, ինչպես նաև դրանում փոփոխությունները կատարվում են Խմբակցության ղեկավարի կամ անդամի առաջարկությամբ՝ Խմբակցության որոշմամբ:
- 7.2 Խմբակցության կանոնադրության մեջ փոփոխություններ կատարելու վերաբերյալ առաջարկությունները Խմբակցության նիստում քննարկվում են արտահերթ:
- 7.3 Սույն կանոնադրությունը ուժի մեջ է մտնում ստորագրման օրը: